

ዓብዲዮ ዓይያ ካር

ሃና ማፃአፔላ ፃአፒንቲ ዓአያ ማዒ ጴዳህ ኪሪሰቶሴ ሾይንታንዳሂኮ ቤርታ ደንጎ ጻኤታና ሳሊታሚ ላሆ ማዒ ሌይይዳ፤ ዩሩሳላሜ ካታማ ሻሂንቲ ደዔሂኮ ገንፃ ዔርቲባአ ዋይይዳኬ። ዩኖ ዋደና ደኦሎ ዛሎኮ ባባ ኬሰካ ባንይይዳ ዓአ ዪሁዳ ካታሞኮ ሚርጌ ዋዴ ሞርኬ ማዒ ናንጌ፤ ዔደአሚ ዓጮ ዓሳ ዩሩሳላሚ ሻሂንቲሂሮ ዋዛዲ፤ ሃሃ ባብሎኔ ዓጮ ዓሳ ዩሩሳላሚ ሙኪ ያላኣና ካታሞ ዋላ ቡሬኔ። ዒማና ዔደአሚ ዓጮ ዓሳ ሚሌ ዒሰራዔኤሌ ዓሳኮ ሞርኮ ማዒ ዓሳና ዋላ ሚቶይዳ ኬዳንዳሂና ያሎናአ ባሺንታንዳያ ማዒፃ ያኦሲ ማሊሂ ማዒሂ ዓብዲዮ ኬኤዜኔ።

ማፃአፔላ ዲማ ዲማ ዓርቁ ባኮ

ዔደአሚ ዓጮ ሞ ኬኤዘንቲ ባኮና ዔያቶ ሄላንዳ ሜቶ (1-7)

ዔደአሚ ዓጮ ዓሳኮ ሚጨንቲዋያ ማዒያ (8-14)

ዒሰራዔኤሌ ዓሳ ያሎና ባሺሂ (15-21)

ዔደአሚ ዓጮ ዓሳ ሄላንዳ ሜቶ

1 ዓብዲዮ ሞ ያኦሲ ፔጋሲ ዳዌ ባካ ያዲኬ። ናንገና ናንጋ ጎዳ ማዒ ያኦዛሂ ዔደአሚ ዓጮ ሞ ኬኤዘንዳጉዲ ዓብዲዮ ዳኬኔ፤ ኑኤኒ ዋይዜ ያኦሲ ኪኢታ፡- «ሚሌ ዴራ ሙኪ ዔደአሚ ዓጮ ያላንዳጉዲ ታኣኒ፤ ናንገና ናንጋ ጎዳ ኪኢታ ዳኬኔ!» ጋዒያኬ።

2 ናንገና ናንጋ ጎዳ ዔደአሚ ዓጮ ሞ ሂዚ ጋዒ፡-

«ዓካሪ ታ ኔና ሚሌ ዴሮ ባኣካ ዋልቁ ባኣያ ማሃንዳኔ፤

ሚርጌና ኔኤኒ ቦሂንቲያ ማዒያኔ።

3 ኔኤኮ ያቶርቃ ዒና ኔና ጌሺኔ፤

ኔኤኒ፡- «ዲዲ ላሌ ሹቺና ዙሎ ዲርቆና ካታማይዳ ታ ናንጋኔ፤

ታኣኒ ዋርቃ ማኦራ ዴጌ ዱካ ዑሰካ ማዢንቲያኬ፤

ታኣኒ ዓአ ቤዛፓ ያ ታና ኬይሳኒ ዳንዳዒይ!» ጌይ ሄርሺንታኔ።

4 ጋዒንቲ ኔኤኒ ዓዳ ኮኣኬጉዲ ባራኔቲያ

ዴንዲ ኔኤኒ ዠኦጎ ባኣካ ናንጌቲያ

ዩካፓ ታ ኔና ኬይሳንዳኔ። ዩያ ጌዔሂ ታና፤ ናንገና ናንጋ

ጎዳኬ።»

5 «ዉሲ፤ ገንሃ ሃሃ ቡራ ዓሲያ ዲሚና ሙኬቲ

ፔኤ ሞ ገዳማጉዴያ ሌሊ ዔካኔ፤

- ዎይና ዓኣፖ ቲቂ ቡኩሳ ዓሳታዎ ቃኣሉሚ ዓይሳኔ፤
 ኔኤኮ ሞርካ ጋዓንቴ ኔና ጋፒሲ ባይዛንዳኔ።
 6 ዒንሢ ዒኤሳዎ ዜርፃ፡- ማኣራ ዒንሢኮ ቡሪንቴኔ፤
 ቆላኣ ዒንሢኮ ጉቤ ዒውቴኔ።
 7 ኔኤና ዎላ ያላኒ ጫኣቄ ላጋ ቢያ ኔና ገሼኔ፤
 ኔ ዓጫፓ ኬሲ ኔና ዒያታ ደውሴኔ፤
 ኔኤኮ ላጎ ማዔ ዓጫ ኔጊዳ ሞርኬ ማዒ ዒቄኔ፤
 ኔኤና ዎላ ካሦ ሙዔ ዓሳ ኔኤም ፒሬኔ፤
 ዩያ ቢያ ዒያታ ማዳሢ ጋዓንቴ ኔ ዒሪባኣሴ።።።
- 8 «ዬኖ ዎዶና ዒዶኦሚ ዓጫይዳ ዒሮ ዓሳ፤
 ዒኤሳዎ ዓጫ ዲኮይዳ ናንጋ ዓሳኮ ዒራቶ ታኣኒ ባይዛንዳኔ።።
- 9 ዒዶኦሚ ዓጫይዳ ናንጋ ዓሳ ቢያ ዎዲንታንዳኔ፤
 ቲሚና ዓጫይዳ ያሎና ዒርቲ ዓሳ ዒጊቹሞና ጎጋይቃንዳኔ።።»
- 10 «ኔ ገርሲ ያይቆኦ ዜርፃ ሚጨንቱዎን ኔኤኒ ዎዳሢሮ
 ኔኤኒ ዳውሲንታንዳኔ፤ ቤሲባኣያ ማዒ ኔ ባይቃንዳኔ።
- 11 ሞርካ ዒያቶኮ ካሮ ሚንሢኣና
 ዒያቶኮ ዓኣ ቆሎ ቢያ ቡራኣና
 ኔኤኒ ኮራ ዒቄ ዛጌኔ፤
 ዩሩሳላሚ ዓጫ ጊሽቲ ዒኬ ዓሳፓ ኔ ደማቱዎሴ።።
- 12 ዪሁዳ ዓጫይዳ ናንጋ ኔ ገርሲንሢዳ ሄሌ ሜታሢና
 ኔኤኒ ዎዛዳንዳያ ኮይሱዎያታንቴኬ፤
 ዒያታ ባይቃ ኬሎና ኔኤኒ ዒላሻንዳያና
 ዒያታ ካራ ባይቄ ዎኣያ ኬሎና ዒያቶይዳ ያቶቂ ገሰቲፃ
 ኔኤም ኮይሱዎያታንቴኬ።።
- 13 ዒያታ ሚታዳ ኬሎና ታ ዴሮኮ ካታሞ ገሊ
 ካራ ዒያቶኮ ባይቄም ዪሁዳ ዴራ ኩዳ ኬሎና ኔኤኒ ዎዛዳኒና
 ዒያቶኮ ዓኣ ባኮ ቡራኒ ኔኤም ኮይሱዎያታንቴኬ።።
- 14 ቶሊ ዓኣሺንታኒ ጳሽካ ዓሳ ዎዳኒ ጎይፃ ዎላ ካኣማ ካሮይዳ
 ካቲ ዴዓንዳያ ኔና ኮይሱዎያታንቴኬ፤
 ቶሊ ዓቲ ዓሳ ሃሣ ዒያታ ካሮ ባይቄያና ዓርቂ ዒኪ
 ዒያቶኮ ሞርኮም ኔና ዒንጋንዳያ ኮይሱዎያታንቴኬ።።»
- ያኣሲ ሚሌ ዴሮይዳ ዓጋንዳ ሜቶ
- 15 «ታኣኒ፣ ናንጊና ናንጋ ጎዳ ሚሌ ዴሮ ቢያይዳ
 ዎጋ ኬላ ሄሌኔ፤

1:14 ዒ.ሲ. 34:5-17፤ 63:1-6፤ ዔር. 49:7-22፤ ሂዚ. 25:12-14፤ 35:1-15፤ ዓዎ. 1:11-12፤ ሚሊ. 1:2-5።

ዔዶኦሽ! ኔ ማዳ ጎይዖማ ኔ ገዳ ማዳንታንዳኔ፤
ኔ ማዳ ፑርቶ ማዳ ኔ ባንሢ ሺራንዳኔ።

16 ታኣኮ ዳራ ታኣሞ ደማዳ ደኮይዳ
ዒንገንቲ ሜቶ ዔኬኔ፤

ዬያር ዔያቶ ዓጮ ኮይላ ዓኣ ሜሌ ዳራ ዬያፓ ባሼ ሜቶ ዔካንዳኔ፤
ዬካፓ ዔያቶኮ ቤሲ ባይቃንዳኔ።»

ዒሰራዔኤሌ ዓሶኮ ዖሎና ባሺያ

17 «ዒዮኔ ደኮይዳ ዬያ ባይሰንታፓ ቶሊ ዓታንዳ ዓሲ ዓኣኔ፤

ዒዮኔ ደካ ታኣሞ ደማዳያ ማዓንዳኔ፤
ያይቆኦይ ዳራ ቤርታ ዔያቶኮ ዔኮና ባኮ ገንሣ ማሂ
ዔካንዳኔ።

18 ያይቆኦይ ናኣታ ዓዳ ታሚጉዲ፤

ዮሴፔ ናኣታኣ ታሚ ሎሰቶጉዲ ማዓንዳኔ።
ዔኤሳዎ ናኣታ ጋዓንቲ ዲኢሪ ማዓንዳኔ፤
ታሚ ዲኢሪ ሙዓሢጉዲ ያይቆኦይ ናኣቶንታ
ዮሴፔ ናኣቶንታ ዔኤሳዎ ናኣቶ ሙይ ባይዛንዳኔ።
ዬያ ጌዔሢ ታና፣ ናንገና ናንጋ ጎዳኬ።»

19 «ዪሁዳ ዓጮኮ ደኣሎ ባንዖና ዓኣ ዳራ
ዔዶኦሽ ዓጮ ፔ ዓጪ ማሂ ዔካንዳኔ፤

ዓባ ጌላ ባንዖ ደኮ ይማ ዓኣ ዳውላዳ ቤዘይዳ ናንጋ ዳራ
ፒሊሰጻኤ ማሂ ዓጮ ፔ ዓጪ ማሂ ዓርቂ

ዔፕራኤ ማንታ ሳማሪያ ዓጮናኮ ዳማ ዎርቃ ዓጮ ዔካንዳኔ፤
ቢኢኒያ ማሂ ዓሳኣ ጌሌዓዳ ዓጮ ፔ ዓጪ ማሂ ዔካንዳኔ።

20 ዳውሰንቲ ዳንዲ ኬዶ ባንዖ ናንጋ፣ ዒሰራዔኤሌ ዳራ
ሆኦላ ጌይንታ ዓጫፓ ማዒ ሙኪ ካኣና ናጮኮ
ዳንዲ ሰራጺታ ሂላንዳኣና ፔ ዓጪ ማሂ ዔካንዳኔ።

ዬሩሳላሜይዳፓ ዳውሰንቲ ዳንዲ ሴፓራዲ ማሂ ዔጮይዳ ናንጋ
ዒሰራዔኤሌ ዓሳ ዓጪኦሎኮ ደኣሎ ባንዖና ዓኣ ካታሞ ዓርቃንዳኔ።

21 ቶሊ ዓቲ ዬሩሳላሜ ዓሳ
ዒዮኔ ደካ ኬሰኪ ዳይ ዔዶኦሽ ዓጮ ዎይሣንዳኔ፤

ካኣታዲ ዎይሣሢያ ናንገና ናንጋ ጎዳ ማዓንዳኔ።»

ጌሌዢ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዢ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929